

Pelegrinaje: d'uc é inviá a tó pert al pelegrinaje al santuar de „**Santa Maria Lussari**“ sura Tarvisio (le plö alt Santuar de S. Maria d'Europa) en jöbia ai 21 de jügn. Le prisc (iade, cabinovia y marëna con boandes) é de 52.00 € por i scric ite tl KVV y 55.00 € por i atri. Le bus pëia ia da Pedraces dales 05.45. Organizaziun: grups KVV dl Comun de Badia y prenotaziuns tol sö: Clement Iaco (0471-839772) o Alma 333 676 9105.



En mertesc, ai 05.06.2018 complësc **Paola Piccolruaz** d'Alfarëi **92** agn y en jöbia, ai 07.06.2018 **Berta Lanzarini Clement** da La Müda **85** agn. Le Senioreclub y düta la Comunité ti aoda düte le bun, sanité y benedisciun de Dî.


Conzert de conclujiun dla Scora de musiga: d'uc é inviá dër bel en mercui ai 6 de jügn dales 18:00 a Corvara tl salf dles manifestaziuns.

Al sará da aldí melodies y toc musical portá dant dales scolares y dai scolars dla Scora de musiga.

Scora a Mühlbach: die gleichgestellte Mittelschule MS „Maria Hueber“ im Herz-Jesu-Institut Mühlbach lädt am 09.06.2018 von 09:00-12:00 Uhr zum Tag der offenen Tür von Schule und Heim ein.

„Lauré l'urt y arigné ca produc te na maniera sana“: la Uniun Ères S. Martin inviëia a chësc curs cun Pramstaller Martin ai 12 y ai 14 de jügn dales 18:00 a S. Martin. Informaziuns y prenotaziuns pro Margareth al nr. 339/3115679.

Festival dla Sanité dai 7 ai 10 de jügn: ai 7 de jügn dales 20:00 tla Ciasa de Cultura a La Ila sarál le pröm referat sön l'agopuntura y riflessologia che deura le “Festival Alta Badia Balance”. Al pitará 4 dis de cursc y ativités sön la sanité, ecuiliber y bëgnester a contat cun la natöra. Le program é sot a www.altabadiabalance.com




Plata dla Ploania Badia

San Iaco - San Linert

Ploan: Siur Iaco Wendelin Willeit
Calonia Badia: 0471/839571
E-Mail: parrocchiabadia@libero.it
Radio dla Ploania: 91,10 Mhz

UNITÉ PASTORALA



www.unitepastorala.org


Ann „B“ 03.06. - 10.06.2018 Festa dles Antles n. 27

CORPUS DOMINI

Eucaristia: pane donato.

Comunione: pane spezzato.

Comunità: pane condiviso.



Vangele dla proscima Domënia - Festa Cör de Gejú „B“

Jan 19. 31-37

Deach'al ê la vëia dla festa y i corps ne dô nia resté tratan le sabat söla crusc, á i iüdes perié Pilatus, che al ti gniss rot les iames ai cruzifijá y tut jö sües salmes, deache chësc sabat é n gran santú. Insciö él gnü i soldas y ti á rot les iames al pröm, spo al ater che é gnü metü söla crusc cun ël.

Canch'ai ê rová da Gejú y á odü ch'al ê bele mort, ne ti ái nia rot les iames, mo un di soldas ti á ficé la lanza tl costá y atira él rogorü fora sanch y ega. Y chël che á odü chësc, á dé testimonianza, y süa testimonianza é vëi. Al sá ch'al cunta ci che é vëi, ch'i cherdëise ince os. Deache chësc é sozedü, por che la parora dla Scritöra s'adempliss: An ne dess ti rumpí degun os. Y te n ater post dij la Scritöra: Ai ciará sön chël che ai á traficé.

FUNZIUNS SACRES

03.06. Festa d'LES ANTLES – "CORPUS DOMINI"

- 09.00** **Mëssa solena ciantada y sonada**
Prozesciun Eucaristica cun 2 Vangeli
†ta Waltraud Wieser Pizzinini
- 15.00 Zelebrazion dl Bato
- 18.00 †tes Domitilla y Eugenia Pitscheider
†ti Maria, Otto y Notburga Alfreider
†ta Genovefa Lanz

04.06. Lünesc
14.00 Mëssa de sopoltüra dla defunta Maria Nagler Valentini

05.06. Mertesc
19.30 †to Otto Clement - aniversar
†to Paulin Irsara
†ti Trinele, Serafino y Franz Trebo

06.06. Mercui - *Mëssa cun i scolars*
07.30 †ta Maria Nagler Valentini - otavare
†to Marco Gabrieli
†to Michele Crepaz
vis y †ti dla fam. Maria Campeï Frenademetz
por fam. Nando y Maria Irsara en rengraz. y onur al Cör
de Gejú

07.06. Jöbia
07.30 **al pëia ia la prozesciun en Jeo**
09.00 **Pescol:** S. Mëssa ad intenziun di pelegrius
degüna mëssa a S. Linert mo dales 20.00 a Oies

08.06. Vëndres – **Sacher Cör de Gejú**
degüna mëssa a S. Linert mo dales 16.00 a Oies


09.06. Sabeda - **Sacher Cör de Maria**
16.00 Mëssa a Oies
Nanter les 16 y les 17 rüva adarlerch "Chi de Jeo"

10.06. Festa dl SACHER CÖR de GEJÚ
09.00 **Mëssa solena ciantada y sonada por la Comunité**
Prozesciun Eucaristica cun 2 Vangeli
†ti Anvidalfarei de Piz
por fam. Tone y Clara Anvidalfarei en rengraziamënt


18.00 †to Paul Adang
†to Lois Frena

Dala VITA dla CÜRA


Recordun che la mëssa grana en la festa dl Cör de Gejú sará bele dales 09:00.



En sabeda, ai 02.06.2018 se á uní tl Sacramënt dl MATRIMONE Christof Costabiei cun Luisina Bertoldi y a S. Martin Eveline Campeï cun Simon Tavella. Düta la Comunité ti aoda tröpa ligrëza y benedisciun de Dî sön so tru deboriada.



Chësta domënia, ai 03.06.2018 ciafa le Sacramënt dl BATO le müt Paul de Egon Vittur y Lucia Tasser. Al pice che tolun sö cun ligrëza te nosta comunité y a sü geniturs les mius audanzas.



Tolun pert al dolor di familiars dla defunta Maria Nagler Valentini che en jöbia, ai 31.05.2018 tl'eté de 94 agn é gnüda cherdada dal Signur. Che ala paises tla pesc eterna.

La corona dla uniun por la defunta gnará **nia** dita en la Festa dl Cör de Gejú mo la **domënia ai 17 de jügn dales 09:30** (dan mëssa).

Confarun dla Uniun dles Ëles: en la Festa dl Sacher Cör de Gejú sarál dan la prozesciun la **benedisciun dl confarun nü**. Bel giulan a tröc che á bele daidé cun n contribut y periun ciamó inant por le podëi despaié jö deplëgn.

Orar da d'isté dles mësses a Oies

Mertesc - Mercui - Jöbia dales 20:00

Vëndres - Sabeda - Domënia dales 16:00

Pater Franz da Oies präia dër bel düc, chi che pó, ëi y ëles, a gní en mertesc ai 5 de jügn dales 08:00 inant sö Oies a lavé la dlijia, la capela y la ciasa vedla de S. Ujöp.